

後藤又兵衛年房將邀戰于此也。公昧爽整軍而南。大霧冥濛，不辨咫尺。候吏報曰：八尾若江間有戎馬之聲，霧中不可得詳。公乃傳令回軍，而西躬登小阜望焉。俄而霧霽，見大軍沸騰，旌旗陸續，盛親將兵五千，偏將增田盛次等從之。取路于八尾，循堤連綴一里餘，重成將兵三千為先鋒，伯父宗明山口弘定、內藤政勝等從之。岐出於若江，眾凡二萬餘，不顧我而徑進。蓋將襲大營也。野史載：公詣星田，行營告急，請親征，兩地相去二里，豈暇往報乎？其妄矣。公謂右帥良勝曰：敵鋒指大營，不遑取進止，當急遮遏之。此間水田深泥，無地排陣，如何。

良勝對曰：臣竊籌之，敵兵蟻行而來，無節制紀律，雖眾不足慮，急擊折之，取勝必矣。揚策馳去，直冒重成陣。公令左帥高刑曰：事急不須整隊，第須急擊斷之。要在折勢，挫鋒。今諸侯師未至，唯我與井伊掃部在焉。往矣，勿顧後也。中堅銃將磯崎式部家信、澤田但馬忠次等夙抵大和川堤下，駐馬待號。於是徑進，衝盛親前軍於萱振，斷之家信為第一槍，獲隊將橫山將監。又進與騎將吉田內匠鬪，刺而殪之，亦身被重創。初接戰也，保侶隊澤田平大夫元次獲朱甲，猛士公命上諸幕下。太神君在途，停輿見之，時諸侯

未有獻級者褒賞稱天下第一獲親釋腰間餽糧犒之貼金葵章饌匾至今寶藏且見許家世用朱柄槍殊為行仗之榮右軍銃將梅原武政伏玉串川西見重成前隊至叢銃霰發進擊卻之高刑率其屬徑馳盛親牙軍副將桑名彌次兵衛一孝弓將長井勘解由氏勝從之奮擊卻敵數矣盛親怒激衆力鬪高刑一孝力不敵遂死之氏勝與盛親姪主水鬪大傷子氏紹年十六馳至救之擊殺主水從兵扶氏勝退途而死收其首還右軍競擊重成軍重成退屯于若江之東良勝冒叢稍斬敵如芟艸卒被攢刺副將玄蕃

良重亦奮鬪傷退歸營而沒諸將戰各處場亘一里渡邊掃部細井主殿正綱等橫行敵叢亂擊擾之於是敵兵渙散不攝狼狽失所我軍遂乘勢轉敗為勝矣盛親猶駐于八尾敗兵糜至勢頗復振中軍將高吉散將渡邊了父子驅兵奮擊高刑等殘隊亦皆萃焉深井主膳吉親率中堅驍騎來援盛親退保久寶寺武政縱火攻之衆遂逐北至平野川磯野平三郎行尚見一錦袍將按轡橫槊進問姓字不答舉槍接戰不決下馬相搏會澤田忠次兵來援卒截之後年有識其佩刀者知其為兵部盛次盛次故郡山城庄

右衛門尉長盛子為父在配所恐其貽累沒名晦迹
 云我兵追急盛親單騎遁歸公以狂勝戀戰亟遣行
 人呼回戰自卯至晡斬首七百八十八級其四百四
 十甲首也我軍死者凡二百六十餘人勝三帥高刑良
 氏勝一孝保侶隊山岡兵部重成友田左近右衛門
 吉直竹中二郎兵衛杉山左門渡邊作左衛門津田
 數馬親兵長澤隼人滿藤騎士玉置藤藏內藤傳左
 衛門吉長青山四郎兵衛桑名源兵衛一友淺木三
 郎右衛門一氏弟勘助一正山田八右衛門資治西
 內九郎右衛門依岡吉兵衛橋本平兵衛箕浦少內
 家次梅原龜之助武房中尾小十郎重勝七里勘十
 郎政基三田村傳左衛門義貞中西文兵衛政行柳
 田金十郎景則竹村兵吉正直矢守太郎助勝歲松
 尾甚兵衛統幸田中內藏丞西川九郎兵衛田邊五
 兵衛井口半左衛門平尾勘七塚次兵衛子權左
 衛門林五郎右衛門稻葉猪之助凡三十六人及陪

臣二十一人餘皆步卒也按南禪恤祀牌面勒二帥已
 下七十一名蓋總舉當時死事者也是日八尾致死
 者併計陪臣實五十六士云又有騎士彦根師繼至
 矢守清吉者死于夏役月日戰所未詳
 擊重成于若江敗之重成等皆死斬級三百許保田
 采女元則奉使在彼助戰為第一槍掃部賜槍表功
 道明寺之戰年房亦敗死城中禱氣於是台駕徑
 進而南路無復梗云公與掃部議兩軍死傷頗衆恐
 不可任大事辭先鋒加賀參議利常越前少將忠直
 代之公及掃部為太神君親衛先鋒是夜公舍于
 八尾常光寺賜諸將校酒手酌以勞之至今歲首饗
 宴親酌群臣蓋其遺禮云後公謂左右曰行兵貴果

斷臨機要神速。當日之戰。敵衆倍蓰。固不可當。決策
迅擊。出其不備。令敵不暇施計。乃得制勝矣。若整隊
伍而後戰。則彼亦嚴陣相待。必無幸矣。及盛親爲囚
公遣人有問。盛親具對。因謂曰。當日汝軍急進。亂擊
我不及成列。遂取敗績。其誠長於兵矣。若張旗鼓來
戰。則我擊殲之耳。正如公之所見也。七日黎明。敵軍
背城出陣。諸侯師皆進。雲集豐前。參議忠興以其師
未至稟。太神君率親兵屬公。日出。台德大君臨
我陣。引進詢方略。公附耳獻策。大君欣然。三領之
莫知其爲何事也。越前師壓茶磨山。張陣。公及掃部

陣于大營前。敵將真田信仍軍茶磨山。毛利豐前
勝永將兵五千屯于天王寺。日加已勝永前軍。忽發
喊奮進。公欣然。顧左右曰。關原之戰。敵先發聲。今日
亦然。我勝必矣。勝永鋒尤銳。本多出雲守忠朝。小笠
原兵部少輔秀政戰沒。勝永乘勝猛進。所嚮披靡。我
兵亦亂。左先鋒高吉及佐伯惟定。保田元則。渡邊宗
右先鋒。渡邊守。及深井吉親。須知定。信等皆止。抗鬪
率屬激勵。於是衆皆轉回。競擊勝永。勝永稍退。諸侯
兵亂次。追躡敵。置火藥櫃於路。以火發爲號。取勢回
衝。追兵皆潰走。獨我將士止禦。殪數騎。公駐軍于太

子堂側勒部伍勿動儼然如有待蓋公既辭先鋒之
 任攻城有加越大兵及諸侯師故唯護大營以備
 不虞所以不必事進取也時太神君始至陣列未
 定軍中忽訛言淺野氏反應諸侯師擾亂迸壓我陣
 公秉旄大呼令弓手去鏃射而攘之乃退世史或言
藤堂軍敗
 彥根軍獨振是與我史異夫死寇乘勢猛進也諸侯
 師殆潰故一軍之內各隊互有得失或迸壓他陣或
 止禦力戰蓋諸國史書各揚信仍亦遽驅兵下山欲
 徑犯大營猛如烈火越前師遮前奮擊我師擊橫
 撓之旗將九鬼四郎兵衛隆氏以章旗獨進與他旗
 退者背馳而行觀者偉之磯崎家信裏創從事癡裂

血迸亦不少撓信仍腹背受敵遂敗死勝永亦敗走
 至玉造郊連發大銃猛士七八十乘煙回衝前徒復
 走保侶隊阪井土佐直義岡本五郎左衛門安貞堀
 伊織信家中小路傳七宗久駐馬邀敵時稱為藤堂
 軍四槍加賀師陣岡山口以抗大野治房亦大破之
 於是諸侯旌旗皆進摩壘而獨公章旗未至吉親家
 信遣飛騎促之公遂進馬至玉造門是日斬級凡七
 十有九率甲首也是日我士陣亡者保侶隊古田內
藏助騎士赤尾嘉兵衛清重清水
 新助定義安波三郎左衛門基日映越前師先登縱
 清粟屋治左衛門及陪臣五人
 火敵盡潰散大阪公奉太夫人避火於城隅土庫八

日。太神君念太閤之舊。招安大阪公。使者往復間。掃部謂。今而縱之。貽禍根也。放銃脅之。丸徹庫中。大阪公及太夫人自殺。治長勝永等殉之。豐臣氏亡。其乘一勝之利。以振落之。果如公之所料也。是日豐前士爭事。舉軍來侵。梅原武政擊卻之。其子萬助。武辰。騎士岩崎傳兵衛。關死。夫自應仁中。足利氏失霸柄。干戈相尋。亂靡有定。姦雄競起。互相吞噬。紛為戰國者。百五十餘年。蓋天地剖判以來。生靈之塗炭。未有甚於此時也。太閤之興。雖致一匡。紛紜多事。治安之功。未有所施焉。至是始就鞅橐。天下大定矣。公詣大營稱賀。太神君執公手曰。積年

勤勞。不可勝謝。如今大事速成。亦卿之力居多。親酌酒賜公。公既醕。命傳盃於台德大君。大君亦親酌。酬公。公又酌獻於太神君。而罷。時人傳以為榮。十日。公從台德大君入京。十一日。長曾我部盛親被擒。公朝二條城。見其繫于門外。柵欄愍然。下輿。殷勤慰之。惠白苧衣及藺笠。盛親感謝。十四日。大阪亡。將水原石見率子弟。匿于坊間。公承命遣兵。勦捕梟首於二條城門前。池田傳左衛門關死。其後古田織部正重能以嘗與大阪通謀。焚京都。事覺。逮下獄。公亦遣吏卒籍堀川之宅。遂賜為邸。舊邸接近二條城。公與遠江

侯交厚。為其便。定省予之。故更賜焉。十五日為陣亡將士設牌位於南禪寺。脩累七佛事。公詣寺親行香。蓋八尾之戰。折衝取勝者。實五將五十六士。致死之功居多焉。故公痛悼不已。言及輒泣。下左右轉話以慰藉之。甚至廢寢食。平昔愛士之厚。可知也已。二十八日。太神君賜賞帖。益封伊勢五萬石地。台德大君亦賜寶刀。皆賞先鋒之勲也。或傳初將賜二十萬石。本多佐渡守正信沮之。來謁告實。曰為公完功。永福公不以芥蒂。益與之善。云蓋際遭遇之會。尤謹止足之分。常以此自戒。戒人。所以不怨尤也。是日。

太神君召公及掃部。賜金銀大法馬各一。大阪之敗。府庫盡為灰燼。因令公及掃部拾收金銀。澁公謂掃部曰。我二人所效。頗足以答眷命。安乃區區撥灰。傲鄙夫之態耶。遂辭而不取。於是有此賜。太閤嘗所設以備軍須。重各萬兩。所謂千枚分銅者也。伊勢祠官上部某往為豐臣氏祈戰勝事。聞有司議罪。公申神士受物。行禱職耳。何足深責耶。太神君置而不問。公微言輔德。每多此類。而未嘗向人語之。故受其賜者。率不之知也。閏六月十九日。敘從四位下。八月。至自京師。大論功。益祿。賜物有差。家信元則吉親為最。

戰死將士皆蔭子孫。放二弟出雲。高清內匠正高。于南鄙免長織部連房職。初公出師。命高清守名張邑。正高守上野城。請從軍。弗許。高清不勝技癢。遂率私從抵千塚。謁見請備隊伍。公責其犯。令棄守。對曰。部兵守備無懈。且正高在上野。請勿以為念。言未畢。正高亦至。一如高清言。公大怒。逐之。是夜共露宿中野。翌旦八尾之戰。高清親獲甲首。家臣皆有獲。及攻城亦效功。斬首凡五十餘級。正高亦親獲甲首。各提詣牙陣。公不賞焉。曰。亡人執馘。何以為功哉。連房松壽夫人之兄。為世子傳。亦犯令。私來獲甲首二級。公執

法不避親戚。皆被黜罰。公在淀日。伊賀頑民為大阪人所誘。謀焚上野城。事覺。留守將士悉逐捕之。至是磔死。是月渡邊了以兵去國。了采地二萬石。為群臣之冠。客冬之役。猶豫失功。召而誚責。了詭辨弗屈。公曰。何不用探候了語塞。乃傲然侈言。曰。如彼輩者。幾多在城。不足以為患耳。公意弗懌。然免職而已。八尾之戰。了徘徊顧望。不肯進兵。其意欲獨建奇功也。及其追敗軍。始率眾馳逐。因請邁進。中堅公弗聽。先是既數馳行。人召還前軍。戒狃勝貪戰也。了不亮其意。再馳使曰。高刑良勝等皆盲將。不知兵。浪戰貽辱。賴

有臣了。羈敵在掌中。將爲公洒之。胡爲不聽。臣言公忿其不遜。曰。汝去歲疎虞失敵。令我無顏色。卽當斬以謝天下。特惜其材。宥之。則今日之戰。宜效死以見誠也。何乃方事之殷。濡滯在人之後。及乘勝逐北。遽躍馬而進。且謾罵忠義之死。狂人無忌憚之甚。其須速歸謝罪耳。了終不應命。悻然恣睢。護前凱旋之後。措而不問。了自疑懼。累上書請致仕。公欲保功。終義彊而後可。且聽求主筮。仕長子守。配公妹。別食祿三千石。今夏之役有功。又加千石。留仕如故。其恩眷如此。了爲人剛愎。臨行故作豪舉。令家兵陣列槍露刃。

弓張弦。銃繩點火。儼然若赴戰者。出郊遇士數人。呼曰。我今棄國而行。壯士何不留乎。士罵曰。負恩絕主。無禮不義。我等雖微臣。唯知死國事。安肯抗匪人。了憮然不能答。而去。有司以狀聞。公怒曰。我待之以好意。傲慢乃爾。遂訴官錮之。了旣落魄。不勝鞅鞅。著書記八尾之戰。極口毀公。以銜已勇。世史多取其說。未之考耳。後數年。大僧正天海憫了之廢。請公召還。執政土井大炊頭利勝亦爲言之。公亦惜其材。乃許之。爲復田祿。了自慚愧。謝病不出。至寬永十九年。終。

長兵衛以元和四年病沒。子守胤嗣。後辭仕。去大十通公時請復來仕。允之。給祿千五百石。世世襲之。

一月公觀江戶。十二月十五日。台德大君追賜賞帖。亦賞八尾之勲也。二年丙辰正月。世子元服。敘從五位下。任大學助。是月。太神君違豫。時公在駿府。日入侍疾。或至夜半。二月二日。台德大君亦來侍疾。太神君稱觴。賜公宥。以寶刀。歷舉積歲勲勞。見謝。又使公脫佩刀。獻於台德大君。且告之曰。宗社興隆。翁力居多。世世子孫勿忘其視。翁猶吾也。三月。天使至駿府就拜。太神君為太政大臣。四月朔。又召公賞武備戰略。命為天下先鋒大將。使井伊掃部頭直孝為第二替。曰。我死後。若有戎事。爾空為大。

將軍先鋒。以定禍亂矣。因賜遺留物數種。公泣拜戴。薨之前數日。執公手。顧托殷勤。且曰。吾與卿分諠。匪他所恨。止一世而已。公對曰。願閣下在天。為明神臣。亦為靈鬼。奉侍左右。鎮護國家。撫綏天下。豈獨此生而已哉。太神君大悅。於是特蒙遺令。蓋辱同廟配享之旨。云。十七日。遂薨。殯于久能山。八月二十日。久芳夫人卒。葬于城北塔世山。十月。公奉遺令。赴日光山相。太廟地督工。疆理三年。丁巳四月。台德大君詣日光山。奉葬靈柩。安神像于新廟。公從助祭。五月朔。賞積歲功勞。益封田丸城邑五萬石。通前三。